

佛說業報差別經

佛說僧護因緣經

寶梁經

贊
僧
功
德
經

福建莆田廣化寺

讚僧功德經
大寶積經
寶梁經
重刻僧護經
佛說因緣僧護經
合刊

蕩益大師梵室偶談

予寓龍居，有老僧看寶積經。云，若先看此經，和尚做不成。予曰，若不看此經，和尚做不成。謂不成和尚法故。謂無所取於為和尚故。噫。可為智者道。難與俗人言也。

目錄

前言	一
讚僧功德經	三
大寶積經	一二
寶梁經	一二
重刻僧護經	七六
佛說因緣僧護經	八〇
附：宋師子峰如如顏丙勸修淨土文	一二六
佛說業報差別經	一三一

正法久住四經合印前言

淨意學人

佛教正法住世，覺海慈航，普利人天！當今佛教最重要的大事是整頓寺院規制，促進道風建設，培育合格僧才，建立如法僧團，才能振興佛教。《讚僧功德經》讚歎出家功德，廣大信眾應當恭敬供養僧寶，護持正法。《寶梁經》稱讚持戒比丘，志求聖果，住持正法；痛斥破戒比丘，乃至為名利故裝作持戒律儀者。《佛說僧護因緣經》則以事實及世尊金口誠言告誡比丘們：過去迦葉佛時的破戒比丘，到釋迦佛時還在地獄受苦；而今在釋迦佛法中的破戒比丘，到彌勒佛出世時還

在地獄受苦。警策僧衆要作人天師表，何苦爲貪利養而沉淪地獄受極慘重的苦報呢！《佛說業報差別經》詳明因果業報恰如其分，絲毫不爽，這是佛教的基本法，直到成佛離不開因果！善惡到頭總有報，只爭來早與來遲！印光法師說：人人信因果，大治之道也；人人不信因果，大亂之道也！明智者應知所抉擇，走光明之路，了生死——成佛，四恩總報，不亦大丈夫哉！願此四經廣印流通，四衆師友聞法精進，自利利他行菩薩道，致世治平，共成佛道！

讚僧功德經

敦煌本 佚集人名

阿含經中略集出，
以大梵音讚僧寶。
我末法中出家人，
志求菩提微妙果，
僧中或有求四果，
和合僧中常不斷。
乃至於微細戒中，
或有息慮習諸禪；
歎大福田諸僧寶，
如地堅牢諸神等，
常住僧讚常住僧。
於濁苦惡世界中，
或已証果在僧中，
或有頭陀常乞食，
不犯如來嚴命教。
並皆集在僧衆中，
猶如百川歸大海。
大梵天王及帝釋，
讚歎一切僧寶衆，
僧讚僧共興佛法，
常住如來清潔衆，
此等八輩諸上人，
或有山間樂寂靜，
或有深廣學智慧，

殊勝妙寶大德僧，長養衆生功德種；能與人天勝果者，
無過佛法僧寶衆。善心僧中施掬水，獲福多於大海量；
微塵尚可算期，僧中施寶無有盡。若人當來求遠離，
越於生死貧窮河；應當速疾志誠心，於僧寶中樹因果。
於此最妙良福田，若有種植功德子，當來收穫無邊畔；
猶如雲中含大雨，施者不籌量度者，平等奉施無二心；
是人方可能堪任，受人天中勝妙果。無量功德具莊嚴，
大悲世尊弟子衆，凡人肉眼難分別，猶如灰覆於火上。
或有外現犯戒相，內秘無量諸功德；應當信順崇重之，
賢聖愚凡不可測。或有外現具威儀，或示未能捨其欲；

外相人觀謂凡夫，不妨內即是其聖。內如四種菴羅果，
生熟難分不可別；如來弟子亦如是，有戒無戒亦難辨。
是故殷勤勸諸人，不聽毀罵僧寶衆；若欲不沉淪苦海，
常當敬重植良田。常欲人中受樂者，亦當供養比丘僧；
勿以凡夫下劣心，分別如來弟子衆。若有清信士女等，
能於十念生信心，平等供養比丘僧。是人獲得無量報，
若於僧中起邪見，當來定墮三惡道；世尊親自以梵音，
金口弘宣誠不妄。寧以利刀割其舌，或以捻杵碎其身；
不應一念瞋恚心，謗毀如來淨僧衆。寧以吞大熱鐵丸，
寧使口中出猛焰。不應戲論以一言，毀罵出家清淨衆。

寧以利刃自屠割，
何況打罵比丘衆？
其於習行離欲人，
寧焚七寶舍利塔，
毀塔之人自墮落，
自墮亦引無量衆。
善自防護口業非，
當墮泥犁受極苦；
世間多有愚劣人，
永劫沉淪沒苦海。

殘害肢節毀肌膚；
寧以自手挑兩目，
不應惡眼而瞻視。
勿於僧中出惡言，
經無量劫受諸苦；
是故智者善思量，
莫談此持彼犯戒。
從地獄出得人身，
談說僧尼諸過惡；
大悲世尊禮大衆，

不應戲笑調凡愚，
寧於多劫受生盲；
寧毀精舍及制多，
誹謗如來清淨衆。
好說衆僧短長者，
勿於僧中起輕慢；
若一惡言毀沙門，
即招聾盲啞啞報。
因茲墮落惡道中，
尊敬和合大德僧；

諸佛尚自致殷勤，何況凡夫輕慢衆？世間多有信心人，崇重世尊弟子者；聞說三寶短長時，恐於僧中起邪見。因此退敗諸善人，毀壞如來清淨衆；不見賢劫千世尊，以一惡言罵僧衆。是故智者應思忖。昔有俱迦離比丘，以舌被犁耕數萬段。亦有迦葉佛弟子，猶落鉢頭磨地獄。承斯惡業捨殘形，還受耕舌地獄苦。謗毀無量世間人，尚招無量口業報；何況無戒白衣人，沙門懷忿毀諸人，罵僧免墮惡道者？是故智人不應罵，乃至草木磚瓦等；況毀清淨出家人，習行離欲善法者？縱使慾火熾燒心，點汚尸羅清淨戒；不久速能自懺除，還入如來聖衆位。

如人暫迷失其道，有目還能尋本路；比丘雖犯世尊禁，雖然暫犯還能滅。如人平地蹶脚時，有足還能而速起；比丘雖暫缺尸羅，雖犯不久還能補。猶如世間金寶器，雖破其價一種貴；木器縱然全不漏，不可比於破寶器。破禁比丘雖無戒，初心出家功德勝；百千萬億白衣人，功德縱多不及彼。出家弟子能堪任，繼嗣如來末代法；萬德無量在俗人，不能須臾弘聖教。最下犯禁破戒僧，供養猶獲萬億報；是故世尊讚勝因，天上人中受尊貴。是故殷勤勸諸人，勿毀如來僧寶衆；今生習惡因緣故，當來業成亦毀佛。緣茲身口意業支，永斷世間人天種。

當墮三塗惡道中，億劫沉淪無休息。若於清衆起正信，
無有毀謗名僧罪；常能防護口業過，不談如來僧寶衆。
若人於僧有罵罪，應須志誠速求懺；於僧勿起驕慢心，
來生受苦必當悔。如僧剎那有功德，其福不容於大地；
何況經月累歲年，堅持如來嚴禁戒。是人持戒功德報，
佛於一劫說不盡；況餘凡俗知其邊，福等虛空無有量。
當知功德廣莊嚴，釋迦如來僧寶衆；是故不聽在家者，
毀辱打罵出家僧。縱見沙門犯戒時，當寬其意勿嫌毀；
如入芳叢採妙華，不應摘選枯枝葉。廣大清淨佛法海，
多有持戒精修者；其中縱有犯威儀，白衣不應生毀謗。

譬如田中新苗稼，於中亦有稗莠草；
不應揀選生分別，是以世尊制諸人，
唯當尊重生敬心，同此受勝諸天報。
僧寶連暉傳法燈，猶如龍王降甘雨，
和合僧寶亦如是，雨於如來妙法雨；
長養善芽功德種，於多劫中宿植田，
處在賢聖法海中，飲妙解脫甘露味。
流化十方諸國土，利益一切諸衆生，
佛法久後滅沒時，伽藍精舍毀成塵；
設欲供養難可得，壁畫僧形不可見，
何況得聞於正法？

人身難得生人中，佛法難逢今已遇。
不種當來功德種？冥路懸遠不可達，
善福田中不種植，當來嶮路之資糧；
聞經僧中應惠施，依經我略讚僧寶，
回施一切諸群生，願共當來值彌勒。
如何於妙良福田，
當辦資糧備前所。
是故諸人應善思，
功德無量徧虛空。

讚僧功德經 (終)

大寶
積經

寶梁經

北涼沙門釋道希譯

佛子僧懺謹輯

清思寫錄 善根校點

品目

沙門品第一

比丘品第二

旃陀羅品第三

營事比丘品第四

阿蘭若比丘品第五

乞食比丘品第六

糞掃衣比丘品第七

沙門品第一

如是我聞：一時，佛在王舍城耆闍崛山中，與大比丘衆八千人俱；菩薩摩訶薩萬六千人，皆不退轉於阿耨多羅三藐三菩提，盡是一生補處。悉從十方諸佛世界而來集會。

爾時摩訶迦葉白佛言：『世尊！所言沙門，云何爲沙門？』

佛告迦葉：『所謂沙門者，寂滅故，調伏故，受教故，戒身淨故，入禪定故，得智慧故，解如實義得解脫故，於三脫門無所疑故，安住聖人所行法故，善修四念處故，離一切不善法故，安住四正勤故，善修四如意足故，成就信根故，信佛法僧故，成就堅信於佛法僧故，不信餘道法故，勤行離一切煩惱故，善修七菩